



AKCIJA PANAMA Inspektori **SIPA-e** češljali dokumentaciju "Kaldere"

Izuzeti dokazi utaje poreza prilikom uvoza kafe u BiH

U pretresu kompanije "Kaldera", vlasništvo biznismena Milenka Čičića iz Laktaša, izuzeta poslovna dokumentacija

Inspektori Državne agencije za istrage i zaštitu (**SIPA**) jučer su iz prostorija kompanije "Kaldera", vlasništvo biznismena Milenka Čičića iz Laktaša, izuzeli poslovnu dokumentaciju.

Kako je potvrđeno u **SIPA-i**, riječ je o nastavku predmeta "Panama", koji se odnosi na poreznu utaju prilikom uvoza kafe u BiH.

Bez uhapšenih

- Državna agencija za istrage i zaštitu postupala prema naredbama Suda i Tužilaštva BiH. Izuzima se određena dokumentacija od više pravnih lica širom BiH. Radi se o nastavku aktivnosti u okviru predmeta kodnog naziva "Panama", koji je u proteklom periodu realiziran zbog krivičnog djela porezna utaja - rekla je Kristina Jozić, portparol **SIPA-e**, navodeći da za sada niko nije uhapšen.

Složena istraga

Istraga u predmetu "Panama" pokrenuta je 2011. godine i ocijenjena je kao jedna od najstrožijih istraga u poslijeratnoj BiH iz oblasti finansij-



Detalji privođenja jednog od osumnjičenih u akciji iz 2013. godine

U predmetu "Panama" Apelaciono vijeće Suda BiH osudilo je braću Ivicu i Damira Čuka iz Posušja na po četiri godine zatvora zbog porezne utaje, a izrečena im je i novčana kazna od po 80.000 maraka. Istom presu-

dom njihovoj firmi "Elipsa" d.o.o. iz Posušja izrečena je kazna od 100.000 KM, a oduzeta joj je i imovinska korist u iznosu od 755.000 KM.

Lažne fakture

Istom optužnicom bio je obuhvaćen i inspektor Porezne uprave Federacije BiH Dinko Ramljak, ali je postupak protiv njega razdvojen. U presudi se navodilo da je firma "Elipsa" na tržište BiH uvozila kafu koju je lažno deklarirala kao soju ili glinu, čije je carinjenje mno-

go jeftinije. Braća Čuk uhapšena su u istoimenoj akciji 2013. godine.

Izvor blizak istrazi kaže da **SIPA** provjerava umiješanost Čičićeve kompanije u nezakonito poslovanje braće Čuk.

- Postoji sumnja da je kompanija "Kaldera" pomogla braći Čuk u utaji poreza tako što je njihovoj firmi izdavala lažne fakture, čime je budžet BiH oštećen za skoro 200.000 maraka - kaže izvor blizak istrazi.

O. MATAVULJ